

# Akileraaruserinermik ingerlatsineq pillugu Inatsisartut inatsisaata allanngortinnera pillugu Inatsisartut peqqussutaat (Aappariinnik ataatsimut akileraarusersuinerup atorunnaarnera naqeriikkamillu namminneerlunilu nalunaarusiorneq)

## § 1

Akileraaruserinermik ingerlatsineq pillugu Inatsisartut inatsisaanni nr. 11-mi, 2. november 2006-imeersumi, Inatsisartut inatsisaatigut nr. 3-ikkut, 26. april 2007-imeersukkut allanngortinneqartumi, makkua allanngortinneqarput:

1. § 10-mi allanngortinneqarpoq "aapparisami ... ,nammineerluni nalunaarsuiffiata" "nammineq aapparisallu nammineerluni nalunaarsuiffiusoq"-nut

2. § 16, imm. 3 aamma 4-mi, "1. marts" allanngortinneqarpoq "1. maj"-imut.

3. § 16-imi nutaatut imm. 4-p kingornagut nutaatut ilanngunneqarpoq:

"Imm.5. Inuit ataasiakkaat nammineerluni nalunaaruteqarnissamut pisussaaffeqartut, nammineerluni nalunaarsuinermi immersugassamik akileraaruserivimmit immersoriigaasumik tigusaqartut, nammineerluni nalunaarusiamik nassitsinngissinnaapput, paasissutissat atorneqarsimasut eqqortuullutillu tamakkiisuuppata, § 17 naapertorlugu."

Imm. 5 taamaasilluni imm. 6-ingussaaq.

4. § 30, imm. 1, nr. 4-mi, "..telefonillu assigisaallu" kingornatigut ilanngunneqassaaq "..kiisalu malittarisassat Naalakkersuisunit aalajangersagaasut malillugit, tamakkua nalingi"

5. § 33-p kingornatigut ilanngunneqassaaq:

"§ 33 a. Naalakkersuisut malittarisassanik aalajangersaasinnaapput, kommunit aammalu

Namminersornerullutik Oqartussat kajumissaarneqanngikkaluarlutik namminneerlutik aalisarnermit, piniarnermit, aallaaniarnermit, savaateqarnermit, eqqumiitsulianik sanalukkanillu tunisassianit tunisat pillugit paasissutissanik ukiut tamaasa akileraaruserivik tunisassagaat, tunisinermi isertitat pissarsisumut B-mik isertitatut isertitaagaangata, aammalu angallammik, qimussimik angallummulluunniit allamut attartornermut aningaasartuutit, attartornermut isumaqatigiissut ingerlatseqatigiiffimmut, peqatigiiffimmut assigisaannulluunniit, isumaqatigiissutaanngikkaangat.

Imm.2. Naalakkersuisut malittarisassanik aalajangersaasinnaapput, translætørinut, nutserisunut, oqalutsinut assigisaannullu akissarsianik A-mik akileraaruserivik tunisassagaat, tunisinermi isertitat pissarsisumut B-mik isertitatut isertitaagaangata, aammalu angallammik, qimussimik angallummulluunniit allamut attartornermut aningaasartuutit, attartornermut isumaqatigiissut ingerlatseqatigiiffimmut, peqatigiiffimmut assigisaannulluunniit, isumaqatigiissutaanngikkaangat.

*Imm.3.* Naalakkersuisut malittarisassanik aalajangersaasinnaapput, akiliunneqarluni angerlarsimaffigisamut angalanermut namminersortumi pisortanilluunniit atorfeqartumut tapiissuteqartup, kajumissaarneqanngikkaluarluni nammineq, tapiissuteqartup tapiissummillu tigusaqartup akornanni atorfinnitsitsineqarsimanngikkaluarpalluunniit, tapiissut akilerneqartoq pillugu paasissutissanik ukiut tamaasa akileraaruserivik tunisassagaa.

*Imm.4.* Naalakkersuisut malittarisassanik aalajangersaasinnaapput, imm. 1-imiit 3-mut pineqartunik nalunaarutit pissarsisup, attartortitsisup, translætørip assigisaasalu tapiissutininik assigisaannillu tigusaqartuusut, Naalakkersuisut naliliinerat malillugu akileraaruserivimmut akileraarutillu naatsorsorneqarnissaannut pisariaqartunik, kinaassutsimut paasissutissanik imaqqassasut. Naalakkersuisut tamatumani pissarsisup, attartortitsisup, translætørip assigisaasalu, tapiissutininik tigusaqartuusut kinaassutsimut tunngasunik paasissutissiissutit eqqortuunerannik nalunaaruteqarnissamut pisussaaffeqartumut qularnarunnaarsitsinissamut pisussaaffeqartut malittarisassanik aalajangersaasinnaapput.

**§ 33 b.** Naalakkersuisut malittarisassanik aalajangersaasinnaapput, kommunit Namminersornerullutik Oqartussallu inuuniarnermut tapiissutit, tapiissutininik pisassaartuusut sinnerlugit akilersinneqarsimasut pillugit paasissutissanik ukiut tamaasa kajumissaarneqanngikkaluarlutik namminneq akileraaruserivimmut tunniussisassasut.

**§ 33 c.** Naalakkersuisut malittarisassanik aalajangersaasinnaapput, suliatigut peqatigiiffiit kaammattorneqanngikkaluarlutik namminneq ukiut tamaasa qaamatisiutit malillugit ukiumi kingullermi ilaasortanit akiliutit pissarsiarineqarsimasut pillugit paasissutissanik akileraaruserivimmut tunniussisassasut.

*Imm.2.* Naalakkersuisut malittarisassanik aalajangersaasinnaapput, peqatigiiffiit allat suliffeqarfiillu suliffeqarnermi imm. 1-imi taaneqartut saniatigut ukiut tamaasa kajumissaarneqanngikkaluarlutik namminneq qaamatisiutit malillugit ukiup siuliani ilaasortanit akiliutit, aningaasaliisut assigisaallu tapiissutininik tunniussaartut pillugit paasissutissanik akileraaruserivimmut tunniussisassasut. nalunaaruteqarnissamut imm. 1 naapertorlugu pisussaaffik pillugu erseqqinnerusumik malittarisassanik aalajangersaasinnaapput, tamatumani nalunaarutit ilaasortat ataasiakkaat kikkunerinut tunngasumik paasissutissanik imaqqassasut aammalu suliatigut peqatigiiffiup nalunaaruteqarneq pillugu ilaasortamut ilisimatitsinissamut pisussaaffeqarnera pillugu.

*Imm. 3.* Naalakkersuisut malittarisassanik aalajangersaasinnaapput, imm. 1-imi sulinermi peqatigiiffiit taaneqartut nalunaaruteqarneq pillugu ilaasortaminut ilisimatitsinissamut pisussaaffeqartut

**§ 33 d.** Naalakkersuisut malittarisassanik aalajangersaasinnaapput, Kalaallit Nunaanni Namminersornerullutik Oqartussat qaamatisiutit malillugit ukiup siuliani ilinniarnermut tapiissutit ilinniarnersiutit tunniunneqartut pillugit paasissutissanik kaammattorneqanngikkaluarlutik namminneq akileraaruserivimmut ukiut tamaasa tunniussisassasut.

*Imm.2.* Naalakkersuisut malittarisassanik aalajangersaasinnaapput Kalaallit Nunaanni Namminersornerullutik Oqartussat nalunaaruteqarneq pillugu ilinniagaqartumut ilisimatitsinissamut pisussaaffeqarnerat pillugu."

**6. § 35** imatut oqaasertalerneqarpoq:

"**§ 35.** Naalakkersuisut malittarisassanik aalajangersaasinnaapput, aningaaseriviit, sparekarsit, piginneqatigiinnikkut karsit, aningaasaliisarnernik ingerlatsiviit, pisortat karsit, qularnaveeqqusiilluni aningaasanik atorniartarfiit, pappiaqqanik nalilinnut centralit, aningaasaliissuteqartarnermut peqatigiiffiit,

aningsaanik nalilinnik nioqquteqartut allallu, aktianik, anpartinik, obligationinik, tammaraveqqusiinermut allagartanik, aningsaaliissuteqarnermut uppersaatinik, naafferartumik akilersukkanut allagartanik pappiaqqanilluunniit nalilinnik allanik paaqqutassatut isumagissaminnik tigussartut imaluunniit pappiaqqanik nalilinnik taamaattunik nioqquteqarnikkut kaaviiartitsisut kaaviiartitsinermiluunniit akunnermiliuttuusut, tigummissat, erniat, pissarsiat, naligititaasut, akiitsut sinneri, pisinerit, tunisaqarnerit il.il. pillugit paasissutissanik kajumissaarneqanngikkaluarlutik namminneq akileraaruserivimmut ukiut tamaasa tunniussisassasut.

*Imm.2.* Naalakkersuisut malittarisassanik aalajangersaasinnaapput, imm. 1-imi pineqartunik nalunaarutit piginnittup, tunisaqartuusup, atortup, atukkiisup il.il, Naalakkersuisut naliliinerat malillugu akileraarusiinissamut akileraarutillu naatsorsorneqarnissaannut pisariaqartumik, kinaassusiinut paasissutissanik imaqqassasut. Naalakkersuisut tamatumani piginnittup, tunisaqartuusup, atortup, atukkiisup il.il. kinaassutsimut tunngasunik paasissutissiissutit eqqortuunerannik nalunaaruteqarnissamut pisussaaffeqartumut qularnarunnaarsitsinissamut pisussaaffeqarnerat pillugu.

*7. § 38* atorunnaarsinneqarpoq.

*8. § 40, imm. 9,* imatut oqaasertalerneqarpoq:

"*Imm. 9.* Imm. 1-imiit 8-mut akileraarutininik taagorneqartunik taakkualu erniaannik tapiliussanullu akiliinngitsoortoqarnerani annaasat landskarsianit nammanneqassapput."

## § 2

*Imm. 1.* Inatsisartut inatsisaat 1. december 2007-imi atuutilerpoq.

*Imm. 2.* Inatsisartut inatsisaani § 1, nr. 1, 1. januar 2008-mi atuutilerpoq.

*Imm. 3.* Inatsisartut inatsisaanni § 1, nr. 8, pisassarisanut 31. decembre 2007-ip kingornqatigut akiligassanngortussanut atuuttuuvoq.

*Namminersorlutik Oqartussat, ulloq 15. november 2007*

Hans Enoksen

/

Aleqa Hammond

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut